

Ekkei onnuk mei sisiwin non fansoun me fansoun. Ren ena minafon ekkesiwin, kopwe no ngeni
<https://salkeiz.sharepoint.com/qam/SitePages/Home.aspx>

1. Ei Kinikinin sukuun Salem-Keizer a éucheani an epwe wor pochokun me tumwunun ewe chóchón aramas non ach ei sukuun. Ei önnuk mei kü ekkewe mwökütüküt mei fis non sukuun, won nenien ewe sukuun, non an sukuun kewe mwokutukut ei sukuun mei anamwu, won ekkewe bus ika sein sukuun me ekkewe nenien sousou bus, me non ekkewe urumwot mei fis nukun sukuun ekkewe chon angang iir mei nom non. Ei önnuk mei kü unusen ewe mwichen aramas non ewe sukuun, pachonong ekkewe chon osukuun, ekkewe chon angangen ewe sukuun me kinikin, chon sukuun, me sam me iin/chon tumwun. Chon angangen ewe sukuun ika kinikin repwe wisen tumwunu ekkewe chon aninis ika pwe mei kür ei önnuk. Ei önnuk mei pwan kü met ewe sukuun mei angang won faniten an chon sukuun mochen angeano manawer ika föri och nikinik mei efeiengaw nge mei fis me nukun ewe nenien sukuun.
2. **Eppeti**
 - 2.1. District Policy Implementation (Anganga än ewe Kinikin Önnuk) – Ewe Superintendent ika ion ewe mi finita epwe fini emon seni ewe kinikin epwe wisen akkota kökkótun met epwe eppeti an esapw wor nii manaw. Ei aramas epwe emon chon angangen ewe sukuun. Ei aramas epwe wisen akkóta me anganga ei önnuk faniten ei kinikinin sukuun.
 - 2.2. Meinapen ew me ew ekkewe sukuun epwe fini emon chon angangen ewe sukuun an epwe inai ena sukuun epwe ngeni an epwe wisen angang won ekkewe osukosuk faniten eppetin an esapw fis an emon epwe pusin nieno me epwe ömwökütükütü kewe önnuk. Ei aramas epwe emon mei akkangang non ewe sukuun.
 - 2.3. Meininis chon angang repwe repotei ngeni ewe meinap ika ewe a wisen finita seni ewe sukuun iten ekkewe chon sukuun re nuku nge a kon watte ar ekiekin repwe pusin angeano manawer.
 - 2.4. Ekkewe chon angang non ewe sukuun ra chok tongeni mwökütüküt won met mei mwumwu ngenir me met nör we license mei mwut ngenir repwe föri. Ei önnuk ese mwutata ika pesei än emon chon angangen ewe sukuun epwe öpwungano ika met sakkun samaw ewe ika fen echikara semwenin osukosuken ekiek, tiwan chok ika pwe mei wor nön taropwen mwumwuta me pwan ina met an angang.
 - 2.4.1. Ekkewe sense ika chon angang repwe fori masowen ewe INS-W054-InSchool Suicide Attempts ren ekiekin nii manaw non sukuun me fori masowen ewe INS-W055-Out-Of-School Suicide Attempts ika pwe e fis me nukun ewe nenien sukuun.
 - 2.5. Staff Professiona Develomment (An chon angang sukuun ika käeö) – Chon angang meininis repwe nëuni ruu awa non ewin ar train won eppetin an esapw wor nii manaw.
 - 2.6. Murin ena ewin training ika käeö, ekiseno, epwene kan fan ew non ew ier epwene kan wor an sense sukuun won metekkewe mei aworato feiengaw, sainen esinesin, eppetin esapw wor feiengaw, wano ngeni tokter ika ia, öurör, me epwe pwan kawor ekkewe nenien aninis faniten ekkewe serafo ren eppetin nii manaw. Non ei train an chon angang, epwe pwan kapachonong porausen ewe mwichen chon sukuun iir mei nomw won watten ekiekin ar repwe pusin angeiano manawer, pachonong ekkewe mei osukosuk non mökurer/me ika umwes ren safei, ekkewe iir mei ita satuni ne pusin niireno, ekkewe rese nonomw neimw, ekkewe ese wor imwer, American Indian/Ekkewe chon sukuun iir winipwosun Alaska, ekkewe chon sukuun iir LGBTQ (fefin pusin sani fefin, mwan pusin sani mwan, sani me ruu (mwan, fefin), winin, me ese fatengeni ika ii emon met), ekkewe chon sukuun iir mei netipechou faniten emon mei ma e pusin nieno, me ekkewe mei wor ar samaw ika mei wor terin inisir.
 - 2.6.1. Epwe pwan kawor sópwosópwun kaeo non pekin nenengeni metekkewe mei efeiengaw me aninis ngeni chon sukuun nupwen fansoun epwe fis osukosuk ngeniir nge epwe ngeni ewe sukuun mei fin pwe epwe wisen mesemes won angangen eppetin an esapw wor nii manaw.
 - 2.7. Youth Suicide Prevention Programming (Ew prokram ngeni ekkewe serafo ren eppetin an esapw wor nii manaw) – Och ngeni marin ekiek me inis, ekkewe nesen epwe chok kochu ngeni masowen ewe K-12 curriculum. Ikkei masowen ekkei nesen mei awenewen ngeni ierin ekkewe chon sukuun: 1) eucheani an epwe wor finita mei kinamwe

me awora pochokun me kokkot faniten awesi ekiweires, 2) ifa ussun an chon sukuun repwe esina pwe emon newe mei nomw won feiengaw me esisinen pwe pwe a umwes me ekiekin epwe pusin nieno me ekkocho, 3) anisi ne nengeni menni kokkot mei och ngeni pusin ii me pwan ekkewe ekkocho, pachonong ifa ussun an epwe angei an sukuun kewe aninis me wato chiechian kewe iir mei pwan osun aninis. Pwan ew, ewe sukuun mei tongeni epwe pwan awora sopwosopwun aninis faniten eppetin nii manaw ngeni chon sukuun non kukkun mwich prokram faniten eppetin nii manaw ngeni chon sukuun.

- 2.8. Publication and Distribution (Wanong non pwuuk ika taropwe me pwan metekkan me ineti ika achõuu) – Iteiten ier ei õnnuk epwe katou me nomw non noun chon sukuun me sense kewe handbook me won an sukuun me ei kinikin kewe websites.

3. Katon ika tessini chon sukuun me ngeni ia epwe angei an aninis me ia

- 3.1. Nupwen emon chon angangen ewe sukuun epwe esina ewe chon sukuun pwe mei ekiekin epwe pusin nieno, awe., foosun nii manaw, pisekin pwarata ren chechek ika pwunas, an pwusin efeiengawa, pusin kutta aninisin, ewe meinapen non ewe sukuun ika io we a fina epwe churi ewe chon sukuun an epwe tesini (Level 1 Suicide Risk Assessment (SRA)).
- 3.2. Ren ekkewe serafo iir mei ekiekin repwe niireno ika pusin efeiengawer:
- 3.2.1. Ewe sense ika chon angang non ewe sukuun epwe chok tumwunuõchu ewe chon sukuun.
- 3.2.2. Ewe principal me ewe a wisen tumwunu angangen eppetin nii manaw seni ewe sukuun repwe muttir sinei ei napanap.
- 3.2.3. Ussun met mei affat me non ewe Parental Notification and Involvement section, ewe a kefin seni ewe sukuun an epwe wisen eani ei angang ika ewe principal repwe churi ekkewe sam me iin ika ewe mei mwumwuta an epwe tumwunu ewe chon sukuun.
- 3.2.4. Ewe family epwe amasowa ewe Parent/Guardian Interview form me angei aninis ren kokkotun pekin eppetin feiengaw- epwe anongonong won met pwungun ewe angangen tesini won pekin nii manaw. Inet a tuchif ngeni, mei pachonong ach kutta aninis seni ekkewe chon awora aninis ren atapwanapwan, uwei ewe chon sukuun ngeni ewe emergency department, ika anganga ach angang fengen me ekkewe agencies non ew kinikinin neni ren ach sipwe anganga ewe Level 2 Suicide Risk Assessment (SRA) won ewe nenien sukuun.
- 3.2.5. Ika pwun mei weweõch ngeni, ewe sense ika chon angang epwe eisini samen me inen ewe chon sukuun ika ewe a wisen tumwunu ar repwe makkei non taropwe pwe iir mei mwutata an ewe sukuun epwe poraus ngeni ekkewe ekkocho nenien tumwun ren porausen an ewe chon sukuun manaw.

4. Angangen eniwinanong me murin metewe mei osukosuka an ekiek

- 4.1. Ren ekkewe chon sukuun iir mei niwiniti sukuun me murin an fis ngenir osukosuken non ar ekiek (awewe., ar ita repwe pusin niireno, ika nuing non pioing ren sokkukun ne mokurer), ewe meinap non ewe sukuun ika ewe chon angang a fin pwe epwe wisen eani ei angang epwe churi inen me semen ewe chon sukuun ika ewe a wisen tumwunu ewe chon sukuun, mei ika mei och, epwe pwan churi ewe chon sukuun an epwe poputani ew kóót ngeni chon angangen ewe sukuun faniten tumwunun an ewe chon sukuun esapw feiengaw me aninis ngeni.
- 4.1.1. Emon meinapen ewe sukuun ika ewe chon angang mi fin epwe wisen fori ewe angangen niwinong non sukuun ngeni saman me inen ewe chon sukuun ika ewe a wisen tumwunu. Ewe chon angangen ewe sukuun mei finita ika ewe meinap repwe angei ar mwumwuta seni ekkewe sam me iin ar repwe pwan tongeni wauu porausen nõuruwe ngeni ekkewe ekkocho pioing ra wisen angang ngeni pekin tupwu ika ekiek.
- 4.1.2. Ewe sukuun ika kinikin epwe tungor an ekkewe sam me iin ika ewe a wisen tumwunu ewe chon sukuun ar repwe awora taropwe seni ewe pioing a wisen angang ngeni pekin ekiek ika tupwu pwe ewe chon sukuun a fen awesi an chek me ese chiwen efeiengaw ngeni pusin ii me ekkocho.
- 4.1.3. Mwónómwón a men õchea ren pekin tumwunun ewe chon sukuun me mei pwan ngeni an ekkewe chon angangen ewe sukuun repwe anisi. Emon meinap me non ewe sukuun ika ewe chon angangen ewe sukuun mei fin epwe churi ewe chon sukuun me saman me inan ika ewe a wisen tumwunu an epwe poraus ngenir won ekkewe poraus mei õche ewe chon angang mei fin epwe sinei an epwe sinei epwe ifa ussun an epwe anisi ewe chon sukuun won an kãeõ, cheichi, met e mefi, me met winikapan mei osupwangan.
- 4.1.4. Ewe chon angang mei fin an epwe wisen mesemes won ei mwókütüküt, epwe ikkiamwiri ewe chon sukuun me saman kewe me inan ika ewe a wisen tumwunu an epwe anisi ne õpwüngü sefani an ewe chon sukuun ekiek ngeni an sukuun me epwe pwan wisen otoura ika poraus won met osukosuk mei chok fifis.
- 4.2. Ekkewe chon sukuun iir mei turutiw non netipechou faniten ar satuni ne pusin niireno repwe angei ar aninis seni meinapen ewe sukuun ika ekkewe counselor.



ADMINISTRATIVE POLICY
Suicide Prevention & Intervention
INS-A038

Esinesin ngeni Sam me lin me Pachonong non

- 4.3. Nupwen epwe wor chek ika katon ewe chon sukuun faniten an ekiekin epwe nieno, ewe meinap ika ewe chon angang mei fin, ika fen emon chon angangen pekin ekiek epwe esinesin ngeni saman me inan ika ewe a wisen tumwunu ika pwe ina met ewe kinkin 5.4 faniten met mei mwumwuta e mwutata.
- 4.4. Ika pwe mei wor pwáratá me won ewe chon sukuun pwe epwe fori angangen nii manaw, iwe epwene wor kapasen óuróur ngeni ekkewe sam me iin me ewe chon tumwunu ewe semirit ren ar repwe tichik won ne óúkúkú an ewe semirit esapw tour ngeni ekkewe pisekin mwosin ren an epwe fori angangen ninnino.
- 4.5. Ekkewe sense repwe pwan angei mwumwuta seni ekkewe sam me iin ar repwe pwan ngeni ekkewe ekkoch pioing ra wisen angang ngeni pekin ekiek.
- 4.6. Seni ar poraus ngeni ewe chon sukuun, ewe meinap ika chon angang mei fin epwe nengeni ika katon ika epwe chok pwan chiwen wor feiangaw epwe fis anóngónóng won an ekkewe sam me iin ika chon tumwunu ewe semirit poraus. Ika ewe meinap, ewe mei fin, ika ewe chon angang ngeni pekin ekiek, re mefi seni non ónnukun ar angang pwe epwe fen efeiangawa ika osukosuka ewe chon sukuun ar repwe kori ekkewe sam me iin ika chon tumwun, iwe epwe mangono ar repwe esinesin. Ika pwe epwe mangono ena esinesin, iwe epwe affatetiw non taropwe. Ika pwe mei éuchea, iwe epwe wor esinesin ngeni ekkewe ponis mei weweóch ngenir.

5. Ótóót ika Prokram Epwe Kawor non ewe Atun Mei Fis Mano Ren Nii Manaw

- 5.1. Murin chok an emon chon sukuun mano seni nii manaw, ewe meinapen non ewe sukuun me ewe kumi ra wisen angang won osukosuk atapwanapwan repwe muttir fóri ew kókkót an epwe emweni met ewe sukuun a ekieki epwe fóri ren ewe fóffór e fis. Epwe ikkei masowen ei kókkót ren mwókútúkút nge esapw chok ikkei:
 - 5.1.1. Ewe meinap epwe kóri faminien ewe sotup an epwe anisir.
 - 5.1.2. Ewe meinap epwe kóri ewe ofesin Community Relations and Communications an epwe esinesin ngeni ekkewe office mei wenengenir me fini met ewe team repwe fori ngeni ewe osukosuk.
 - 5.1.3. Ewe meinap, ewe Ofesin Community Relations and Communications, me ewe kumi ra wisen angang won osukosuk repwe nengeni ewe osukosuk ren ar repwe fini met sakkun aninis epwe kawor.
 - 5.1.4. Ewe chon angang mi kefinita me ewe nenien angang ngeni pekin ekiek repwe angang fengen me ekkewe meinap ar repwe poputani ekkewe aninis ngeni ekkewe sukuun mei fis ei osukosuk ie.

6. Katon Mwókútúkútün ewe mwókútúkút mei anisi osukosuken nii manaw

- 6.1. Aramas iir mei tongeni repwe tungorei ewe kinikinin sukuun an epwe nengeni mwókútúkútün ewe sukuun ren met e eáni mwókútúkút ngeni ekkewe feiangawen nii manaw seni an churi ewe a wisen meinapeni ena angang.
- 6.2. Epwe wor ekiekin an ewe chon sukuun kewe pwung non mwuu me mwunap pachonong ekkewe fan HIPAA me FERPA ussun chok an chon angang fori onnukun poraus mwonomwon non angangen katonseran.

Porausen atun an ekkesiwin:

Pwinin Maram	Met e fis
9/23/19	Minafón ónnuk
9/30/19	Minafón poraus non ewe kinikin 4.1.2.
10/8/19	Ákkákis ekkesiwin ngeni kinikin 6.1.4, 5.4, and 5.1.

A kopwunguno seni: Cabinet _____